

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. III. Alia probatio in gratiam Autoritatis Secundi Ordinis, in Diœcesanâ
Synodo, ex hujusce Synodi origine deprompta.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

nodo, authoritatem exercuisse, omnibus ferè temporibus, & in plerisque Ecclesiis; unde sequitur, Secundum Ordinem, in Synodo, sive iustitia auctoritate privari non posse.

Etenim, apud omnes constat, non levis esse auctoritatis conuentudinem, usumque longevum, novitatesque plerumque discordiam parere: quid igitur censendum de tot seculorum praxi, & tam universali? Quae ipsi non debetur reverentia? Nonne habebiri potest, aut, ut verius loquamur, nonne habenda est, veluti una ex priscis Institutionibus, quæ intactæ remanere debent, ut verbis GELASII Papæ utamur, qui expressis verbis definit, contra Statuta Parrum condere aliquid vel mutare, nec huius quidem Sedis potest auctoritas: apud nos enim inconveniens radiibus, viget antiquitas, Cui Decreta Patrum sanxere reverentiam. Nonne jurè ac merito Episcopo dici posset, qui hanc proxim mutare vellet, ne transgrediaris terminos, quos posuerunt Patres tui, nec alieni tibi tribuas auctoritatem; an iis sapientior es? Nonne, qua tunc viguerant, rationes, vigent? Nonne verisimile videtur, esse has rationes?

Primo promissione CHRISTI, in gratiam Conventuum in ipsis nomine agendorum, facta universo Conventui, non verò soli Praesidi hujus Conventus. Sicque talem promissionem Episcopo prodeße non posse, nisi in Diœcesana Synodo congregatos homines consuleret.

Secundò, multis in occasionibus Apostoli Septuaginta Discipulos congregaverunt, quibus successerunt Sacerdotes, & uno animo Successorem Judæ elegerunt. Diaconos denique, uno consensu quæstionem de Circumcisione, & aliis Mofaicam Legem spectantibus, direxerunt. Decebat ergò secundum hoc exemplum, ab Episcopis primorum seculorum eundem honorem deferri Presbyteris, praesertim Parochis, eos congregando ob quadam Diœcesis negotia, eos consulendo, aut consensem eorum hunc ob finem postulando.

Tertiò, Hierarchia Dei nomine instituta in Ecclesia Catholica, non Episcopis solis constat, sed Presbyteris, & Diaconis; & inter functiones Hierarchicas, qua administrationem & Statutorum faciendorum potestatem tribuit, collocatur. Unde accedit, Presbyteros Rectorum personam, & Ecclesiasticorum Societatum Præsidum, portionem Christi gregis gubernandam habere, ipsosque Diaconos Romæ & Hispaniam, eo jure gavios fuisse, & etiamnū nomine Cardinalium Diaconorum, & Archidiaconorum gaudere. Ut ergò Diœcesana Synodus semper eo fine coacta est, ut gregis commodo in Diœcesis regimine consuleret, æquum erat eos, qui aliquam partem in hoc regime habebant, cum eo congregatos aliqua gaudere auctoritate, circa ea, quæ ad conservationem boni Ordinis agebantur.

Hæc tria Momenta omnibus viguerunt temporibus, de qua enim habitus est sermo, tandem duratura est promissio, quandiu duratura est Ecclesia. Vices Apostolorum tenent Episcopi, istique illos imitari tenentur, tanquam suorum munierum exemplar, & iisdem nunc constat personis Hierarchia, quibus præteritis facilis constabat.

CAPUT III.

ALIA PROBATIO in gratiam auctoritatis SECUNDI ORDINIS, in Diœcesana Synodo, ex hujusc Synodi origine deponita.

Quando hæc aggrediar auctoritatem Secundi Ordinis in Diœcesana Synodo hujusc Synodi origine stabilire, is non sum, qui credam à me proferri posse clara testimonia, quæ claram faciant mentionem Temporum & Locorum, quibus origo Synodi

debetur; dudum enim omnibus notum est desisse Synodos: verum non minus constat, conjecturas, quæ habentur, causas, propter quas habita est, sufficienter indicare, Secundum Ordinem, in ea, auctoritate gaudere debere.

Prima conjectura desumitur ex conformitate Synodorum Diœcesanorum cum Conciliis Provincialibus, quæ, ut infrà ostendetur, tanta est, ut manifestè patet, eas ad instar horum Conciliorum directas fuisse. Porro, liquet eos, qui tenentur Conciliis Provincialibus interest, ut Conventus Membra, in iis semper auctoritatem exercuisse, ut etiamnū exercent; cum semper Voce Decretoria gavisi fuerint, & etiamnū gaudeant. Credendum igitur est, Diœcesanas Synodos directas secundum Concilia Provincialia, in iis servatas fuisse aliquam auctoritatem iis, qui adesse.

Hæc conjectura sequente confirmatur; ista autem nititur iis, quæ prima in Synodo Diœcesana, cuius Acta superfunt, gesta sunt. In ea enim accipimus, ab Abbatis & Parochis, simul cum Episcopis, factum fuisse quod ab Episcopis in Conciliis Provincialibus agebatur. Synodus autem, de qua mentionem hic facimus, *Altissodorense* vocatur, celebrata Anno Quingentesimo Septuagesimo Octavo. In ea verò aperte demonstratur, has Personas, Abbates, scilicet, & Parochos, diremisse multas quæstiones, quæ Dogma spectabant, vel Mores, Canonibus Tertio, Octavo, Nono, Vigesimo Secundo, & ab iis, multa de Disciplina Statuta facta fuisse.

Alii *Quadragesima* Canones id non minus luculenter probant. Hæc inter Statuta, pauca sunt, quæ ex præcedentibus Conciliis deponuntur: quantum verò ad Decisiones, non immerito credi posset, eas ex his Conciliis deponuntas fuisse; quamvis proferantur absque ullius Canonis anterioris citatione, quasi omnes novæ forent.

In Canonum *ultimo* legitur, eos communis consensu factos fuisse, & uno animo, eodem modo, quo Episcopus, subsignant Abbes & Parochi; & ut hic, in chirographo, nomini suo proprio Dignitatis suæ nomen adjungit, idem præstant & Abbes & Parochi, ut videre est in Subscriptionibus subsequentibus, *Aunacharius Episcopus subscripti*. *Vinaubodis Abbas subscripti*. Alii ferè eodem modo subscripti, *Vigilius Presbyter subscripti*. Alii Triginta & unus Parochi idem præstant. Idem fit à Diaconis: hi autem, nempe Diaconi, adjungunt, se *Nomine Rectorum* subscribe.

Denique, Canonum antiquissimi, qui Conciliorum Provincialium congregationem jubent, nos docent, ea haberi ad tractanda Provincia negotia, & ad terminandas Controversias natas; & inde inferri potest, Synodos Diœcesanas habitas fuisse ob res Diœcesi Universæ communes, & imprimis, ad terminandas Controversias, quæ ibi ortæ essent. Porro: si talis sit Diœcesanarum Synodorum origo, ut credendi locus est, manifestè liquet ea probari, à Secundo Ordine, in ea, aliquam auctoritatem exerceri debere; Cum horum Negotiorum & Controversiarum cognitio unicè spectaret vel judicia, vel Statuta, quæ ex his Synodis emanabant, in quibus Secundus Ordo, numero saltem, dominatus est.

Ut novum robur accedat his conjecturis, prætermittere non debeo, *Sanctum CAROLUM*, qui tam sedulo investigavit originem gravissimorum Ecclesiæ usum, asseruisse, originem Diœcesanarum Synodorum, ad tempora Apostolorum referendam esse, eamque S. Spiritus afflato directam fuisse. Hæc autem leguntur initio primi sermonis in undecima Synodo Diœcesana: Verum ipsum audire juvat: *Sancta profectò & laudabilis consuetudo, hoc est, ab Apostolorum primordiis ad hac usque tempora, Spiritu Sancto dictante, & promovente deducta*. Hæc autem leguntur in *Actis Ecclesiæ Mediolanensis*, pag. 1220.

Enimvero, si ha Synodi suam temporibus Apostolorum

rum originem debent, iusta est credendi causa, secundum Ordinem voce gavium fuisse, quia hisce temporibus Presbyteri Ecclesiam, una cum Episcopis regebant: id probant Apostolorum Acta: & probabile videtur *Sanctum Carolum*, de Synodorum Dicecesanorum origine loquentem, hæc Capita in mente habuisse. Hæc quoque regulâ pñx fuit à *Vincentio* introduc-tâ, *Quod ab omnibus ubique & semper observatum est, nec ullam aliam agnoscit originem, id potest & debet Apostolorum temporibus referri.*

CAPUT IV.

Probationes authoritatis secundi Ordinis, in Diœcesanis Synodis deponpta, ex convenientia Synodorum Diœcesanarum cum Concilii Provincialibus, sigillatim expense. Canones Conciliorum aut Statutorum Synodorum, qui Synodo Diœcesana nomen tribuunt Concilii. Quid inde inferri potest?

Qamvis hæc voces *SYNODUS & CONCILII*, sive nonimæ sint, & utrumque significant Conven-tum Ecclesiasticum, omnium Jurisdictionis finium vulgo maximorum; usus tamen determinavit vocabulum *Synodi*, ad exprimum Conventum totius Cleri Diœcesani; *Conciliū* verò vocabulum, ad denotandam Congregationem Episcoporum Provincialium, aut Primatus, aut Patriarchatus, aut Jurisdictionis Papatus, que omnem Ecclesiam attingit. Verum, contra hunc usum Canones & Statuta reperiuntur, quibus Synodo Diœcesana nomen *Concilia* tribuitur, ut quidam re-periuntur, qui veris Conciliis *Synodi* nomen tribuant, quin etiam Concilia Generalia id nomen sibi tribuerunt, ut videre est in Constantiensi, Basileensi & Tridentino. Hic autem error vel usus varius multum interficit ad probandum mutuan convenientiam, & minimè obstat, saltem cuilibet attenti, distinctioni, quæ *Concilium à Synodo* designat, ut infra quibusdam exemplis probabitur.

Horum exemplorum primum deponitur ex Synodo *Altissodorensi* anni Quingentesimi Septuagesimi quinti, quæ certe antiquior est Synodorum Dicecesanarum, quorum Acta nobis supersunt. Canon *Septimus*, qui jubet duas Synodos per annum haberi, unam scilicet Parochorum, alteram Abbatum, primæ, quam assignat medio Maio, nomen *Synodi* tribuit, alteri autem, quam ad Calendas Novembris remittit, nomen *Conciliū* dat, ut videre est verbis, quæ adhibet, *ut medio Maio omnes Presbyteri ad Synodum in Civitatem veniant, & Kalendis Novembris omnes Abbates ad Concilium convenientiant*. Nusquam habita sunt *Concilia*, pro certis personis Secundi Ordinis; necessarium ergo est ibi mentionem fieri *Synodi* Diœcesanae, ad quam convocare posuit Episcopus quosdam, ceteris posthabitis: aliunde Episcopi non est verum Concilium cogere, nisi forte fuerit antiquior Suffraganeus, aut hoc jus suprà alios sua Provinciae Episcopos prescriperit, aut nisi-hac prærogativa sua Sedi annexa sit. Porro, nihil horum Episcopo Altissodorensi debebatur, qui solus huic Conventui interfuit, qui Synodus Generalis habitus fuit, cum & Abbates & Parochi subscripserint, cum quas in posterum habendas iussi fuerint speciales *Synodi*, constare duntaxat deberent una parte Cleri Diœcesani, uni ex illis Synodis intererat Clerus Sacularis, alteri Clerus Regularis.

Nomen *Concilii* Diœcesanae Synodo adhuc tribuitur à Concilio *Toletano IV.*, habito Anno Sexcentesimo trigesimo tertio. Postquam enim statuit à Parochis recipi tempore Ordinationis libellum Officialem Diœcesanum, Rituale, quo discant modum Sacramentorum administrandorum, Sacri faciendi, Officiorum celebrandorum; adjungit, se hoc Rituale ins-

tructos facile posse rationem reddere Episcopo Ministerii, cum ad Litanias, aut ad *Concilium* venerint, Canonem sumus integrum relaturi. Quando Presbyteri in Parochiis ordinantur Libellum Officiale à Sa-er-doce suo accipiant, ut ad Ecclesias sibi deputatas instructi accedant, aut succedant, ne per ignorantiam Divinis Sacra-mentis offendant, ita ut, quando ad Litanias vel ad Concilium venerint, rationem suo Episcopo reddant, qualiter suscepimus Officium celebrant, aut baptizant. Integrum retulimus Canonem, quia in eo multæ viden-tur circumstantiae, quæ determinant ad credendum, nomine *Concilii* Synodum Diœcesanam intelligi, cum jungat Litanias, quæ in Diœcesi fiebant, & velit in utroque casu Parochos sui Ministerii rationem redde-re, ut judicet Episcopus, num exerceant secundum Rituale acceptum in Ordinatione.

Simile exemplum habetur in *Canone Sexagesimo octavo* ejusdem Concilii. In eo statuitur, quod, si voluerit Episcopus aliquem servum manumittere ad Ecclesiam pertinentem, nec velit jus Patronatus re-tinere, teneatur offerre pro commutatione, duos ejusdem pretii è suo patrimonio desumptos, coram Concilio Ecclesiæ, cui pæst, & huic actui subscríbant Parochi: hæc sunt verba Canonis; *Episcopus qui mancipium juris Ecclesiæ, non retento patrocinio manu-mitti desiderat, duo meriti ejusdem & peculi, coram Concilio Ecclesiæ, cui præminet, per commutationem, subscriptoribus Sacerdotibus, offerat, ut rata & justa habeatur definitio Commutantis*. Ut partitio onustum ad Universam Diœcesim Toletanam percedentium nondum facta erat, æquum erat nullam posse ab Episcopo fieri alienationem, absque omnium Parochorum consensu, probato eorum subscriptionibus.

Eodem sensu nomen *Concilii* sumitur Concilio *Veronico* in Diœcesi Ebroicensi habito; Anno septingentesimo quinquagesimo quinto. In eo enim jubentur ad Concilium accedere, nisi velint penas dare secundum Canones ob absentiam. Porro: nemo dixerit coactos aliquando fuisse Parochos Concilio interesse, sub pœnis Canonis, nisi *Con ilii* nomine hic intel-ligatur Synodus Diœcesana: aliunde Conventus, de quo sermo habetur, Concilii Episcopi nomine do-natur, quod nomen foli Synodo convenit Diœcesanae. Hæc sunt verba Concilii Canone octavo; *omnes Presbyteri ad Concilium Episcopi sui convenient, & si hoc facere contempserint, secundam Canoniam Institu-tionem* judicentur.

Atto, Episcopus Vercellensis, in suo *Capitulari*, Capite vigesimo septimo, adhibet quoque nomen *Conciliū*, ad significandam Synodum Diœcesanam, ipsi tribuendo quod ab antiquis Conciliis statutum, nempe, de Congregatione plurimum Conciliorum per annum.

Quod relatum est supra de Concilio *Toletano IV.* Canone vigesimo sexto, partim transcriptum est à Concilio *Arelateni*, celebrato Anno octingentesimo decimo tertio, Canone qvarto: sequens enim, quod à Sanctis Patribus institutum fuit, statuit, Parochos ad Concilium convenientes reddere rationem Episco-po qualiter Officium vel Baptismum celebrent. Porro: hic Canon non potest intelligi, nisi de Synodo Diœcesana; quia nunquam à Patribus sanctum fuit, Parochos ad Concilium Provinciale conventuros, aut ad aliud, ut Ministerii redderent rationem, & juserunt Parochos ad Synodum Diœcesanam conventuros ob hunc finem. Idem adhuc terminus pro Synodo Diœcesana sumi potest in Canone nonagesimo primo Collectionis HERARDI, Archiepiscopi Turonensis; ibi duo Concilia per annum haberi jubet, & eorum spatum, sive tempus, præfigit: utrumque præstat, in sua Diœcesana Synodo Anni Octingentesimi quinquagesimi septimi. Porro: hic locus non erat mentionem faciendi Conciliorum Provincialium, & eorum spatum de-terminandi. Intelligat ergo neceſſe est *Conciliū* vo-cabulo, Diœcesanam Synodum. Tres autem annos

Lxx